

1.08.2014

საქართველოს კულტურული მემკვიდრეობის ეროვნული სააგენტოს საინფორმაციო სისტემების სამსახურის ძირითადი მიმდინარე პროექტები და საჯარო რეესტრის ეროვნული სააგენტოს მონაცემთა ბაზასთან ინტეგრირების საკითხი.

მიმდინარე პროექტები:

❖ ნორვეგიის კულტურული მემკვიდრეობის დირექტორატსა და სააგენტოს შორის დადებული ხელშეკრულების ფარგლებში (2012-2016 წწ.) საინფორმაციო სისტემების მიმართულებით ხორციელდება 2 პროექტი:

- **საქართველოს კულტურული მემკვიდრეობის მონაცემთა ბაზის მართვის სისტემის და გის (GIS) პორტალის შექმნა და განვითარება (2013-2016 წწ.)**

პროექტის ფარგლებში იქმნება კულტურული მემკვიდრეობის მართვის ინტეგრირებული სისტემა, რომლის დანიშნულებაა ცენტრალურ და რეგიონულ მართვის სტრუქტურებსა და მასთან დაკავშირებულ უწყებებთან ინფორმაციის გაცვლის სისტემის შექმნა და ფართო საზოგადოებისთვის ამ მონაცემებთან წვდომის გაუმჯობესება.

პროექტის მეშვეობით იქმნება ინსტრუმენტი, რომელიც იძლევა კულტურული მემკვიდრეობის ობიექტებზე საქართველოს ნებისმიერი კუთხიდან ინტერაქტიულ რეჟიმში ინფორმაციის შევსების და განახლების საშუალებას.

კომპლექსური მონაცემთა ბაზა მოიცავს ინფორმაციას ქვეყანაში არსებულ კულტურული მემკვიდრეობის უძრავ ობიექტებზე/ძეგლებზე, მასთან დაკავშირებულ დამცავ ზონებზე, კედლის მხატვრობაზე და ქვაზე კვეთილობაზე და ამასთანავე მოძრავ კულტურულ ფასეულობებზე, რომლებიც განთავსებულნი არიან სხვადასხვა მუზეუმებში და მუზეუმ-ნაკრძალებში.

საინფორმაციო სისტემების განვითარება კულტურულ მემკვიდრეობაში ხელს შეუწყობს კულტურული მემკვიდრეობის მართვის ეფექტური ხელსაწყოების შექმნას, რაც დაეხმარება კულტურულ მემკვიდრეობასთან დაკავშირებული ღონისძიებების სწორედ დაგეგმვას და განხორციელებას.

დაგეგმილია კულტურული მემკვიდრეობის მონაცემთა ბაზის კავშირის (ინფორმაციის გაცვლის შესაძლებლობა) უზრუნველყოფა სხვა სახელმწიფო ინსტიტუციებთან: სამინისტროები, მუნიციპალური სამსახურები, საჯარო რეესტრი, ავტონომიური რესპუბლიკების

კულტურული მემკვიდრეობის ინსტიტუციები, საერთაშორისო პარტნიორები, საპატრიარქო, ეროვნული მუზეუმი, უმაღლესი სასწავლებლები.

სისტემის მეშვეობით მოსახლეობა შეძლებს მიიღოს ინფორმაცია:

- ძეგლების ადგილმდებარეობაზე საქართველოს ერთიანი ელექტრონული რუკის საფუძველზე (ერთიანი ელექტრონული რუკის მომზადებას უზრუნველყოფს საჯარო რეესტრის ეროვნული სააგენტო).
- ძეგლის სტატუსსა და კატეგორიაზე.
- ძეგლის არქიტექტურულ-მხატვრული სახის, პერიოდის და ფიზიკური მდგომარეობის შესახებ.
- ძეგლის ტერიტორიაზე და მის დამცავ ზონებზე.
- ძეგლზე მიმდინარე და დაგეგმილ სამუშაოებზე.
- ძეგლზე გაცემულ ნებართვებზე.
- ინფორმაციას ძეგლზე შესრულებული პროექტების შესახებ (კულტურული მემკვიდრეობის საცავის/არქივის ელექტრონული მასალის მონაცემთა ბაზის მეშვეობით).
- ინფორმაციას საქართველოს კანონმდებლობით განსაზღვრული და დასაშვები სამუშაოების შესახებ.

➤ საჯარო რეესტრის ეროვნულ სააგენტოსთან თანამშრომლობა

კულტურული მემკვიდრეობის ეროვნულ სააგენტოსა და საჯარო რეესტრის ეროვნულ სააგენტოს შორის იდება მემორანდუმი, რომლის მიზანია თანამშრომლობა საქართველოს ეროვნული სივრცითი ინფორმაციული სისტემის განვითარების მიზნით და მონაცემთა გაცვლის მუდმივმოქმედი სისტემის ჩამოყალიბების მიმართულებით.

თანამშრომლობა მოიცავს კულტურული მემკვიდრეობის შესახებ გეოინფორმაციული მონაცემების ინტეგრირებას ერთიან საინფორმაციო სივრცეში. საჯარო რეესტრი იღებს ვალდებულებას სააგენტოს მიანდოს

სერვისის სახით საქართველოს საბაზო რუკები და რეგისტრირებული ნაკვეთები.

თანამშრომლობის შედეგად მოსახლეობისთვის ხელმისაწვდომი გახდება საჯარო რეესტრის ინფორმაციასთან ერთად მუდმივად განახლებული ინფორმაცია კულტურული მემკვიდრეობის შესახებ, მათ შორის მის ადგილმდებარეობაზე, სტატუსზე, დამცავი ზონების არეალებზე, ნებართვებზე და სხვა სივრცით ინფორმაციაზე.

❖ კულტურული მემკვიდრეობის სააგენტო მონაწილეობს ეროვნული სივრცითი მონაცემების ინფრასტრუქტურის (NSDI) შექმნაში.

❖ კულტურული მემკვიდრეობის არქივის დიגיტიზაციის და მონაცემთა ბაზის შევსების პროექტი.

დღეისათვის არქივის მონაცემთა ბაზაში განთავსებულია დიგიტიზირებული ინფორმაცია (პროექტები, ანაზომები, ფოტოები, პასპორტები და სხვა) 9121 ძეგლზე/ობიექტზე.

არქივის მონაცემთა ბაზის საფუძველზე ფუნქციონირებს ვებ-პორტალი www.dataherita.ge, რომლის მეშვეობით ნებისმიერ დაინტერესებულ პირს შესაძლებლობა აქვს მიიღოს ინფორმაცია არქივში განთავსებული ძეგლების დოკუმენტაციაზე.

დოკუმენტაციასთან მუშაობა შესაძლებელია სააგენტოში ელექტრონულ ფორმატში.

❖ გის-ის (GIS) მიმართულებით ფუნქციონირებს საიტი www.myherita.ge, რომელზეც განთავსებულია ზოგადი ინფორმაცია კულტურული მემკვიდრეობის ძეგლების შესახებ.

საიტის ძირითადი მიზანია კულტურული მემკვიდრეობის შესახებ ზოგადი ინფორმაციის ხელმისაწვდომობა საზოგადოებისთვის.

საიტზე უკვე განთავსებულია პირველადი ინფორმაცია 2299 ძეგლზე/ობიექტზე.

ამავე საიტის მეშვეობით სააგენტოს დაქვემდებარებაში მყოფი მუზეუმ-ნაკრძალების თანამშრომლები რეგიონებიდან მუშაობენ ინტერაქტიულ რეჟიმში და განათავსებენ ინფორმაციას კულტურული მემკვიდრეობის ძეგლების/ობიექტების შესახებ, მათი ზუსტი ადგილმდებარეობის (GPS კოორდინატები) ჩვენებით.